

Ko wai ka taea te āwhina?

I whakatārewahia tētahi taitama Tau 8 mai i te kura mō te wā tuawhitu. I whakawhiti kōrero te kaitauwhiro SWiS mō tētahi mahere me tōna whānau, ā, ka kitea he kaitohutohu mō te taitama. I mīharo te poari o te kura ki te mahere, i whakaae ki te whakapāha a te taitama, ā, ka tukuna mai anō ia ki te kura. Nā tēnei, i kimi tautoko te pāpā o te taitama – he “matua moke, whakatamatama” - mō ōna uauatanga, me te whakamihi atu ki tauwhiro hapori mō āna mahi.

He rite tonu te keka noa o tētahi tamaiti e iwa ngā tau me te oma i te kāinga ina uaua ana. I āwhina te kaitauwhiro hapori i a ia ki te rapu huarahi hou hei whakaatu i ōna kare ā-roto – he pūkenga i whai kaha anō te māmā kia pai ake te kōrero ki te tama.

*“I mua ka oma au.
Inā tanei ka kōrero au mō aku raruraru.”*

– te tama e iwa ngā tau



Ngā Kaitauwhiro Hapori ki roto i ngā Kura

*Te whakarei ake
i te ora o ngā tamariki*

Nau mai ki Ngā Kaitauwhiro Hapori ki roto i ngā Kura a Family Works



Kei konei mātou ki te tautoko i ngā tamariki me ngā whānau ki te ako, te tipu, te momoho.

He mātanga Ngā Kaitauwhiro Hapori ki roto i ngā Kura e mahi ngātahi ana me ngā whānau me ngā kura. Ka tautoko rātou i ngā tamariki kei ngā Tau 1 ki te 8 i ngā tikanga e toru:

1. He mahi ngātahi me ngā whānau, kura, kura kaupapa hoki
2. He whakarato hōtaka rōpū hei āwhina i ngā tamariki me ngā whānau kia momoho
3. He āwhina i ngā whānau ki te kimi tautoko me te kotuinga hapori.

E aro ana mātou kia whai kaha ngā whānau i ō rātou pakaritanga. Ka tere ake te mahi ki te whakatika i ngā raruraru i te kura, i te kāinga rānei, ko te painga atu mō te tamaiti me tōna whānau.

He ratonga kore utu tēnei mō ngā tamariki me ngā whānau katoa i roto i tō hapori kura.

“Ko te mea nui ko te whakapai ake i ngā āhuatanga mō ngā tamariki kia tapatahi ō rātou ngākau ki te ako.”

– He Kaitauwhiro Hapori

Pēhea tā mātou āwhina

Anei ētahi mea e taea e mātou te mahi tahi me koe:

- pūkenga ā-tangata, kiritau, me te māiatanga mō ngā tamariki
- ngā whanaungatanga o ngā tamariki me ō rātou hoa
- ngā whanaungatanga ā-whānau
- ngā māharahara mō te whanonga
- te tiaki tamariki
- te whakarekerekere ā-whānau
- te whakamomori
- te kaitaunaki
- tukutanga ki ētahi atu ratonga

Ka tūhonohono mātou i ngā mātua me ētahi atu kia hoatu ngā ratonga pai rawa atu mō rātou me te tamaiti. Kei roto pea i tēnei ko ngā rauemi mā ngā kaiako mō te ako, ngā nēhi me ngā whakahaere kāwanatanga.

Ka taea e ngā kaiako, ngā tumuaki, ngā mema o te hapori rānei te tuku tamariki ki Ngā Kaitauwhiro Hapori ki roto i ngā Kura, engari kei ngā whānau te tikanga – he tūao te ratonga. .

Ka taea anō e ngā tamariki me ō rātou whānau te whakapā tonu mai ki a mātou.

Me pātai mai me pēhea tā mātou āwhina ki a koe.



“He harikoa ake taku tama ināiane, ā, he pai ake tōna āhua i te kāinga.”

– Mātua

Ko wai mātou



E mahi ana ngā kaitauwhiro hapori i tō hapori kura mā **Family Works Northern**, he ratonga pāpori i waho o te kāwanatanga.

Ko tā mātou e **wawata** ana kia noho ko Aotearoa te wāhi pai katoa i te ao hei whāngai tamariki i roto i ngā whānau kaha.

He **kaitaunaki** mātou mō ngā tamariki me te whakapūmau i ngā kaha i roto i ia whānau.

E **āhukahuka** ana mātou i ngā āhuatanga katoa e whai pānga ki te whanonga o ngā tamariki me tō rātou kaha ki te ako.

Ka **mahi ngātahi** me ētahi atu kia ārai i te tipu o te raruraru, me te whakarei ake i te ora o ngā tamariki me ō rātou whānau.